



Broj: 09-20/1-11-2-2463/23
Sarajevo, 12.10.2023. godine

Na osnovu člana 43. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14 i 59/22) i preporuke Komisije za provođenje konkurentskih i pregovaračkih postupaka nabavki u 2023. godini, direktor po Rješenju o ovlaštenju Vlade Federacije Bosne i Hercegovine, V. broj: 1051/23 od 02.08.2023. godine („Službene novine F BiH“ broj: 59/23), d o n o s i

O D L U K U
o izboru najpovoljnijeg ponuđača za javnu nabavku
Nabavka potrošnog materijala za čišćenja

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka potrošnog materijala za čišćenje“, ponuđaču „Defter“ d.o.o. Sarajevo, čija cijena ponude iznosi 33.936,72 bez PDV-a.

II

Po okončanju roka za žalbu Ugovorni organ će pozvati izabranog ponuđača radi zaključivanja Ugovora.

III

Za izvršenje Odluke zadužuje se Sektor za materijalno- finansijske poslove.

IV

Odabrani ponuđač dužan je u skladu sa tačkom 2.1. (u roku od 5 dana), kao i tačkom 2.3. (u roku od 5 dana) tenderske dokumentacije dostaviti dokaze koji su traženi tenderskom dokumentacijom.

V

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI

Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka potrošnog materijala za čišćenje“, broj Obavještenja o javnoj nabavci broj: 1412-7-1-267-3-123/23 od 27.09.2023. godine.

Javna nabavka je provedena putem konkurentskog zahtjeva za dostavu ponuda. Procijenjena ukupna vrijednost ugovora iznosi 34.188,03 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2023. godini, broj Rješenja o imenovanju 09-19/1-30-2-24 od 04.01.2023. godine i 09-19/1-30-2-24/23 od 30.06.2023. godine.

U postupku je utvrđeno da je preporuka Komisije o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da su zaprimljene dvije (2) ponude, koje su ujedno i blagovremene, i to ponuđača: „Aero Exclusive“ d.o.o. Sarajevo i „Defter“ d.o.o. Sarajevo,
- da nije bilo neblagovremeno zaprimljenih ponuda,
- da je Komisija konstatovala da je ponuda ponuđača: „Defter“ d.o.o. Sarajevo **prihvatljiva**, te da ista ispunjava sve tražene uslove iz tenderske dokumentacije,
- da je ponuda ponuđača „Aero Exclusive“ d.o.o. Sarajevo ocjenjena kao **nepravilna** iz sljedećih razloga:
 - tačkom 2.3. stav b) tenderske dokumentacije, između ostalog, traženo je da se u ponudi dostave i obične kopije dokumenata kojima se dokazuje ispunjavanje uslova postavljenih u tački 2.1. stav b), što navedeni ponuđač (Aero Exclusive“ d.o.o. Sarajevo) nije dostavio, pa samim tim nisu ispunjeni uslovi traženi tenderskom dokumentacijom,
- da je Komisija utvrdila da je ponuda ponuđača „Defter“ d.o.o. Sarajevo sadržavala matematsku grešku, nakon čega je zatražena saglasnost ponuđača za ispravku greške u skladu sa jediničnim cijenama, na što je ponuđač „Defter“ d.o.o. Sarajevo dao svoju saglasnost aktom broj 572-ispravka/2023 od 10.10.2023. godine,
- da je Tenderskom dokumentacijom predviđeno održavanje e-Aukcije, a kako je zaprimljena samo jedna prihvatljiva ponuda, Komisija je u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16) dala preporuku Ugovornom organu da se za postupak javne nabavke „Nabavka potrošnog materijala za čišćenje“ dodjeli Ugovor ponuđaču „Defter“ d.o.o. Sarajevo.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 5 (pet) dana od dana prijema ove Odluke.



DIREKTOR
(po ovlaštenju Vlade FBiH)
GLAVNI INSPEKTOR

Vahidin Munjić

Dostaviti:

- Sektor za mat. fin. poslove
- ponuđačima
- u spis